

საქართველოს შესახებ რეზოლუციას მხარი დაუჭირას

მარი ახსიაშვილი

გუშინ მონაკოში, ეუთო-ს პოლიტიკურმა კომიტეტმა მხარი დაუჭირა რეზოლუციას, რომელიც საუბარია საქართველოს ოკუპირებულ ტერიტორიების, დევნილთა უპირობო დაბრუნებისა და ცეცხლის შეწყვეტის ხელშეკრულების შეუსრულებლობის შესახებ. ეუთო-ს პოლიტიკურმა კომიტეტმა პირველად გამოიყენა ტერმინი "ოკუპაცია".

რეზოლუციაზე საბოლოო კენჭისყრა ეუთო-ს სპარლამენტო ასამბლეის დღევანდელ სხდომაზე გაი-

მართება, მანამდე კი პოლიტიკურ კომიტეტში რუსეთის დელეგაცია კვლავ შეეცადა, დოკუმენტის ტექსტიდან ტერმინის "ოკუპირებული ტერიტორიების" ამოღებისთვის მიეღწია, თუმცა ორგანიზაციის წევრი ქვეყნების წარმომადგენელთა წინააღმდეგობას წააწყდა. რეზოლუციის წინააღმდეგ მხოლოდ რუსეთის დელეგაცია გამოვიდა. მისმა ხელმძღვანელმა ნიკოლაი კოვლიოვმა დოკუმენტს ცალმხრივი, არაობიექტური, არაკორექტული, ანგაჟირებული და რეალობას მოწყვეტილი უწოდა.

ბაზრქალაბა
80-2 ბავრდუა

საქართველო-აზერბაიჯანის საზღვრის ჟურნალისტური „დემარკაცია“



თამარ კასიძეაძე

დავით გარეჯში, მონასტერ უდაბნოსკენ ქართველი და უცხოელი ტურისტები თავისუფლად გადაადგილდებიან, პრობლემა აღარც მომლოცველებს ექმნებათ და აღარც ბერ-მონაზონთ. აზერბაიჯანელი მესაზღვრეები, რომლებიც 6 მაისის შემდეგ ჩიჩხიტურის კოშკთან და სამების ეკლესიასთან დადგნენ, კვლავ ინარჩუნებენ პოზიციას. მათგან რამდენიმე მეტრის მოშორებით დგანან ქართველი მესაზღვრეებიც.

ბაზრქალაბა
80-2 ბავრდუა

ქრასნოდარის მხარე - სტიქიური უბედურების ზონა

ხათუნა ბაბიანი

ოფიციალური მონაცემებით, 160 დაღუპული, 100-ზე მეტი უგზო-უკვლოდ დაკარგული და 1000-ზე მეტი დაზარალებული - ასეთია ქრასნოდარის მხარეში მომხდარი სტიქიური უბედურების სტატისტიკა. წყალდიდობა, ადამიანური მსხვერპლი და სერიოზული ეკონომიკური ზარალი გადაუღებელ წვიმას მოჰყვა. განსაკუთრებით საგანგაშო მდგომარეობაში ნოვოროსისკი, გელენჯიკი, ვოლგის ოლქი და კრიმსკი აღმოჩნდა.



ბაზრქალაბა
80-3 ბავრდუა

ლონდონში წამსვლელ ქიუდოისტთა ვინაობა ცნობილია




2012 Georgian Olympic Judo Team

გვ. 7

შენგელიამ "ნეთსის" მწვრთნელი მოხიბლა

თორნიკე შენგელიამ NBA-ს მიმართულებით პირველი სერიოზული ნაბიჯი უკვე გადადგა. ახალგაზრდა ქართველი კალათბურთელი დრაფტზე იყო წარდგენილი. თოკო 54-ე ნომრად "ფილადელფიამ" აირჩია და მაშინვე "ბრუკლინ ნეთსს" მიჰყვია. ამის თაობაზე ქართული კალათბურთის გულმემატკივრისთვის კარგად არის ცნობილი. ისიც ცნობილია, რომ ახლა ყველაფერი თავად თორნიკეზეა დამოკიდებული. დარჩება თუ არა შენგელია "ნეთსში", ეს ორლანდოს საზაფხულო ლიგაზე უნდა გაირკვეს. თამაშები ორშაბათს დაიწყება და თოკო "ნეთსის" რიგებში იასპარეზებს.



იმდენად მოეწონა ქართველი ფორვარდი, რომ გუნდში მის დატოვებაზე უკვე სერიოზულად ფიქრობს.

ბაზრქალაბა
80-7 ბავრდუა

1 აშშ დოლარი	1.64524
1 ევრო	2.06794
1 ინგლისური გირვანქა	2.57464
1 თურქული ლირა	0.91184
100 რუსული რუბლი	5.10834

თბილისი	33°C - 21°C
ქუთაისი	29°C - 18°C
თელავი	33°C - 16°C
ზუგდიდი	28°C - 17°C
ბათუმი	26°C - 17°C

ნავთობი	2.75	-0.01	-0.43%
გაზი	2.91	+0.02	+0.55%
ოქრო	1,618.60	-3.20	-0.20%
ხორბალი	799.25	+0.00	+0.00%

"24 საათის" ელექტრონული ვერსია იხილეთ Web-გვერდზე www.24saati.ge
ჩვენი პარტნიორები:



ISSN 1987 9121



9 771987 912100

ფასდაკლების კუპონი

აქცია ექსკლუზივი

24 საათი Weekend

4 ივნისიდან 4 ივლისის ჩათვლით!

ექსკლუზიურად „24 საათის“ და „Weekend“-ის მკითხველისთვის!

- ამოჭერი კუპონი და მიიღე ექსკლუზიური ფასდაკლება „ბაკურ სულაკაურის გამომცემლობის“ წიგნებზე „საქართველოს ფოსტის“ პრესის ჯიხურებში მთელი საქართველოს მასშტაბით, თქვენთვის მოსახერხებელ ადგილას.
- აირჩიე 5 წიგნიდან შენთვის სასურველი 1 წიგნი და შეიძინე საუკეთესო ფასად!

ყვავი ცალიწინდა ოინგაზოგს	5.90	4.90
ჰარი პოტარი და საიღუმლო ოთახი	9.00	4.00
ფალიაშვილის ქუჩის ქაღალაძი	6.90	3.00
ქართველები ამერიკაში	17.90	11.90
კავკასიის გამოპოლიტიკური ატლასი	15.90	11.00

ქრასნოდარის მხარე - სტიქიური უბედურების ზონა

პირველი გავრცელება

წყლის დონის კატასტროფულად მატება და საცხოვრებელი სახლებისა და სხვა შენობა-ნაგებობების დატბორვა 6 ივლისს, ღამით დაიწყო, მაგრამ ყველაზე შემზარავი ნებერჯაევის წყალსაცავზე მომხდარი შემთხვევა აღმოჩნდა: ავტომატურ რეჟიმზე გადაყვანილი ჩამკეტები დროის გარკვეული ინტერვალით იხსნებოდა და წყლის გადაგდება მთლიანად ყუბანის ქალაქ კრიმსკზე ხდებოდა - მძინარე ქალაქს წყალი 13 საათის განმავლობაში უტევდა. ქალაქში წყლის დონემ 6 მეტრს რამდენიმე წუთში მიიღწია. საგანგაშოდ დიდი მსხვერპლიც - 130 ადამიანი სწორედ ამ არეალში დაფიქსირდა. დაღუპულთა უმრავლესობა მოხუცებულები და ბავშვები არიან, რომლებმაც თავის შევლა დამოუკიდებლად ვერ შეძლეს. 9 ივლისი რუსეთში ეროვნული გლოვის დღედ გამოცხადდა, სახელმწიფო დაწესებულებებზე დაშვებულია დროშები, სატელევიზიო არხებს კი რეკომენდაცია მიეცათ, თავი შეიკავონ გასართობი პროგრამების ტრანსლაციისგან. სტიქიური უბედურების დროს დაღუპულთა გარდა, დღეს რუსეთში უკრაინაში მომხდარი ავტოკატასტროფის მსხვერპლთაც დასტირიან - ორი დღის წინ რუსი მომლოცველები მძლოლის დაუდევრობას შეეწინაინ. სამძიმარი რუსეთის პრეზიდენტ ვლადიმერ პუტინს მისმა უკრაინელმა კოლეგამ ვიქტორ იანუკოვიჩმაც გამოუცხადა.

სტიქიამ, კრასნოდარის მხარეში საცხოვრებელი სახლებისა და საზოგადოებრივი შენობების გარდა, ძლიერ დაზარადა ავტომობილების, ხიდები და კაშხალი. სამაშველო სამსახურის წარმომადგენლები, უკვე



მესამე დღეა, მოსახლეობის ევაკუაციაზე ზრუნავენ. მოსკოვიდან თვითმფრინავები და ვერტმფრენები საგანგებო სიტუაციების სამინისტრომ სტიქიის პირველსავე დღეს გაგზავნა. კრიმსკში დაკარგული დოკუმენტაციის შემცველი საბუთების გაცემა უკვე დაწყებულია, დღეიდან კი დაზარალებულთათვის კომპენსაციის დარიგებაც დაიწყება. ხელისუფლების განცხადებით, თითოეული დაზარალებული 50-დან 100 ათასამდე რუბლის ოდენობის კომპენსაციას მიიღებს. დაღუპულთა ოჯახებისთვის განსაზღვრული თანხა 2 მილიონ რუბლს შეადგენს. სტიქიური უბედურების ზონაში ა ჰეპატიტი და დიზენტერიაზე ვაქცინაცია კვირას დაიწყო. ოფიციალური მოსკოვის

განცხადებით, ადგილობრივი მოსახლეობის გარდა, მძიმე მდგომარეობაში იმყოფებოდა 7 ათასზე მეტი ბავშვი, რომლებიც საზოგადოებრივი ბანაკებში ისვენებდნენ. ამ დრომდე ელექტროენერჯის გარეშე დარჩენილი თითქმის 30 ათასი ადამიანი. **"ელექტრომობილურაგება შეწყვეტილია 7 დასახლებულ პუნქტში, რომელთა მოსახლეობაც 28 ათასს აღემატება,"** - განაცხადეს საგანგებო სიტუაციების მართვის სამინისტროში. კრასნოდარის მხარეს კვირას რუსეთის პრეზიდენტი ენვია, რომელმაც დატბორილი რეგიონები თვითმფრინავიდან დაათვალიერა და სპეციალური კომისიისთვის საგანგებო განკარგულებებიც გასცა. ვლადიმერ პუტინმა სპეციალის-

ტებს სთხოვა, გამოიძიონ, მოსალოდნელი საფრთხის შესახებ მოსახლეობის დროულად გაფრთხილება და მათი ევაკუაცია რატომ არ მოხდა. გარდა ამისა, პრეზიდენტის აზრით, გასარკვევია წყალსაცავების მუშაობის გამართულობის საკითხიც. მომხდარზე უკვე აღძრულია სისხლის სამართლის საქმე ადამიანის სიცოცხლის გაუფრთხილებლობით ხელყოფის მუხლით. როგორც ექიმები აცხადებენ, ადამიანების დაღუპვის მიზეზი, დახრჩობის გარდა, სხეულის გადაცივებაც გახდა, ბევრ მათგანს მეტისმეტად დიდხანს მოუხდა წყალში ყოფნა. სამართალდამცავებმა კრიმსკში მაროდორებიც დააკავეს, რომლებიც მიტოვებული სახლებიდან ძვირფასეულობას ეზიდე-

ბოდნენ. თუმცა, როგორც მაშველები აღნიშნავენ, მრავალ ოჯახში მამაკაცებმა უარი თქვეს სახლების დატოვებაზე, მათ საგანგაშო პირობებში დარჩენა და მძარცველებისგან ოჯახების გადარჩენა არჩიეს. სტიქიის შედეგების ლიკვიდაციაზე ათასობით მაშველი და ავარიული ბრიგადის სპეციალისტები მუშაობდნენ. ორდღიანი იერიშის შემდეგ სტიქიამ უკან დაიხია, მაგრამ კრიმსკში ინტენსიური წვიმა ამ დრომდე გრძელდება. რუსეთის სოციალურ ქსელებში და ინტერნეტგამოცემებში უკვე აყენებენ ხელისუფლების პასუხისმგებლობის საკითხს. ხალხი ყურადღებას ამახვილებს იმ ცნობების შეუსაბამობაზე, რაც ოფიციალურად ვრცელდება. ჯერ პრეზიდენტ პუტინს პირდაპირ ეთერში მოახსენეს, რომ წყალსაცავიდან წყლის დაუგეგმავი გამოშვება შეუძლებელია და ტექნოლოგიურად არ არის გათვალისწინებული; მერე კი გაირკვა, რომ წყლის ავტომატური გამოშვება ხდებოდა. ჯერ ძნელია იმის თქმა, რამდენად იყო ეს წყალდიდობისა და ხალხის დაღუპვის მიზეზი, თუმცა ქალაქში წყლის დიდი რაოდენობით მოვარდნას ხელი ნამდვილად შეუწყო. "ბლოგოსფერო" აღშფოთებულია იმით, რომ 21-ე საუკუნეში რუსეთში არ მოქმედებს სტიქიური უბედურებების პროგნოზირებისა და ხალხისთვის შეტყობინების სამსახური. ხოლო საინჟინრო ნაგებობებზე (ამ შემთხვევაში, წყალსაცავებზე) საბჭოთა პერიოდში დამონტაჟებული მონოპილობები მუშაობს, რომლების რემონტი და მოდერნიზაცია არ ხდება.

რუსეთი შიშობს, რომ ტაჯიკეთს ამერიკა და ჩინეთი ართმევენ

რუსულ მედიაში ერთ-ერთ აქტუალურ თემად რჩება სამხედრო ბაზების საკითხი ცენტრალურ აზიაში. ამ ეტაპზე ყველაზე "მძიმე" სიტუაციაა ტაჯიკეთთან ურთიერთობაში. ეჭვქვეშ დგას უმსხვილესი რუსული სახმელეთო ბაზის ბედი, რომელსაც მთელ რეგიონში რუსული ინტერესების დაცვაში მნიშვნელოვანი როლი აკისრია. ბოლო ორი კვირის განმავლობაში "24 საათი" უკვე არაერთხელ შეეხო ამ თემას, შესაბამისად, საკითხის არსი ჩვენი მკითხველისთვის უკვე ცნობილია. ამ თემის კომენტარებისას მოსკოვის სახელმწიფო უნივერსიტეტის პოსტსაბჭოთა სივრცის შემსწავლელი ცენტრის გენერალური დირექტორის მოადგილემ ალექსანდრ კარავაევმა მედიას განუცხადა, რომ "201-ე სამხედრო ბაზისათვის იჯარის გაგრძელების საკითხში ტაჯიკეთის პოზიციის გამკაცრება გამოწვეულია იქ აშშ-ს და ჩინეთის გააქტიურებით, რაც ამ ქვეყანაზე მოსკოვის გავლენის დაკარგვის საფრთხეს ქმნის."

რუსულ მედიას მოჰყავს შესაბამისი ფაქტებიც, რითიც ამაგრებს კარავაევის (და არა მარტო ამ უკანასკნელის) მოსაზრებას. როგორც ირკვევა, დუშანბე ამერიკის შეერთებულ შტატებთან მოლაპარაკებებს აწარმოებს, რომლის თანახმადაც, მათ უნდა გადაეცეთ ამერიკული სამხედრო ტექნიკისა და აღჭურვილობის ნაწილი ავღანეთიდან კოალიციის ჯარების გაყვანის შემდეგ. ტაჯიკეთის პრეზიდენტის ემომალი რაზმონის ჩინეთში აპასნი-



ნანდელი ვიზიტის დროს მან თავისი სახელმწიფოსთვის მიიღო ორ მილიარდ დოლარიანი კრედიტი, რომლის შემდეგაც ჩინეთთან ურთიერთობებს "ტაჯიკეთის საგარეო პოლიტიკის პრიორიტეტი" უწოდა. შარშან დუშანბეზე პეკინთან ხელი მოაწერა ხელშეკრულებას "ტერიტორიული დავის მოგვარებისა და საზღვრის დემარკაციის თაობაზე" და ამ ხელშეკრულების თანახმად ჩინეთს გადასცა მთიანი მასივის 1122 კვადრატული კილომეტრი - ტაჯიკეთის ტერიტორიის თითქმის ერთი პროცენტით.

იგივე კარავაევი აღნიშნავს, რომ ბოლო პერიოდში მკვეთრად გააქტიურდა ტაჯიკეთის ურთიერთობები ინდოეთთან, ასევე სპარსეთის

ყურის მონარქებთან, ყველაზე მეტად, კატართან. ეს ყველაფერი კი რუსეთს ტაჯიკეთთან კავშირის მონოპოლიას და "უფროსი ძმის" ძველ როლს ართმევს. რაზმონი ბოლო პერიოდში აშკარად ცვლის ვექტორს მოსკოვიდან ვაშინგტონზე. ცოტა ხნის წინ, ამერიკის დამოუკიდებლობის დღის მისალოცად პრეზიდენტ ბარაკ ობამასთვის ამ გაგზავნილ წერილში მან პირდაპირ აღნიშნა, რომ ტაჯიკეთი აპირებს, კარდინალურად გააძლიეროს ამერიკული მიმართულება. ექსპერტები მიიჩნევენ, რომ დუშანბე ამერიკელებისთვის საჩუქრის სახით ამზადებს აეროპორტ "აინი"-ს. ამავე აეროდრომზე პრეტენზიას გამოთქვამენ რუსეთი და ინდოეთი.

ტაჯიკეთის ოფიციალური პირები აქამდე ხშირად აცხადებდნენ, რომ "აინი"-ს არავის გადასცემდნენ მოსკოვის გარდა, მაგრამ ჯერ არც მას აძლევდნენ. რაც შეეხება 201-ე სამხედრო ბაზას, აქ ექსპერტების აზრი ორად იყოფა. ზოგი მიიჩნევს, რომ მძიმედ მიმდინარე მოლაპარაკებების მიუხედავად, ტაჯიკეთი ბაზის იჯარის ვადის გაგრძელებით რუსეთზე მეტადაც არის დაინტერესებული. კერძოდ, ეს განაცხადა რუსეთის სამხედრო-ტექნიკური თანამშრომლობის ფედერალური სამსახურის დირექტორმა კონსტანტინ ბირიულინმა. მან დააზუსტა, რომ რუსეთისთვის სამხედრო ყოფნას ტაჯიკეთში ასევე ძალიან დიდი მნიშვნელობა აქვს. ეს ბაზა, რომელზეც სამ გარნიზონში 7 ათასამდე სამხედრო მოსამსახურე ირიცხება, სახმელეთო ჯარების უმსხვილესი ბაზაა რუსეთის ფედერაციის საზღვრებს გარეთ. მას ცენტრალური აზიის უსაფრთხოების უზრუნველყოფაში მნიშვნელოვანი როლი აკისრია. რუსეთის სახმელეთო ჯარების სარდალმა ვლადიმერ ჩირკინმა ჯერ კიდევ ივნისის ბოლოს განაცხადა, რომ ბაზის იჯარის ვადის გაგრძელების შესახებ მოლაპარაკებები ჩაშლის პირასაა მისული (ამის შესახებ ჩვენ უკვე ვწერდით). რუსეთის გენერალურ შტაბზე დაყრდნობით გავრცელდა ინფორმაცია, რომ რუსეთი უკვე აღარ გამოჰყოფს თანხებს ბაზის განვითარებისთვის, რადგან ჯერ მისი ბედი არ არის

გარკვეული. ჩირკინის სიტყვებით, ტაჯიკეთმა წამოაყენა 20-მდე ძნელად მისაღები პირობა. ამას გარდა, მოლაპარაკებების დროს თავის მოთხოვნებს სულ ცვლის და ართულებს. ბოლო დღეებში გაირკვა ორიოდე დეტალიც, რომლის შემდეგაც უფრო უჩვეულოდ, ჩვენი აზრით, რუსული პოზიცია გამოიყურება. რუსეთს თურმე სურს, ახალ ხელშეკრულებას კაბალური 49 წლით მოენეროს ხელი, ტაჯიკეთი კი 10 წელიწადს სთავაზობს. ამას გარდა, ტაჯიკეთი ბაზის იჯარისთვის ფულის გადახდას მოითხოვს. ცოტა გაუარკვეველია, ამას რატომ უწოდებენ რუსები მიუღებელს. თურმე აქამდე, ოც წელზე მეტი ისინი ტაჯიკეთს ბაზის იჯარაში ფულს არ უხდიდნენ და მის გადახდას, ეტყობა, არც მომავალში აპირებდნენ. ხუთშაბათს, კალინინგრადში დსთ-ს თავდაცვის მინისტრების საბჭოს სხდომაზე ტაჯიკეთის თავდაცვის მინისტრმა შერალი ხაირულოევი შოკში ჩააგდო კოლეგები, როდესაც აღიარა, რომ ხელშეკრულების პროექტის რუსულ ვარიანტს არ იცნობს. მან თქვა, რომ დუშანბე საკუთარ ვარიანტს ამზადებს, "ჩვენი ვარიანტი ჯერ არავის მიუღია, ხოლო რუსული ვარიანტი ჯერ არავის ნაუკითხავს." რუსეთის თავდაცვის მინისტრმა ანატოლი სერდიუკოვმა უპასუხა: "უნდა ნაგეკითხათ, ჩვენ ის დიდი ხანია გამოგვიზავნეთ."

მოამზადა ივა შილაკაძემ

ავღანეთს 16 მილიარდით დახმარებინან

სალომე ჯანიაშვილი

იაპონიის დედაქალაქ ტოკიოში კვირას გაიმართა საერთაშორისო კონფერენცია, რომლის მიზანიც იყო ავღანეთის სამომავლო გეგმების განხილვა ქვეყნიდან ნატო-ს ჯარების გაყვანის შემდეგ, რაც 2014 წლისთვის არის დაგეგმილი.

საერთაშორისო თანამეგობრობა "გაარძელებს ავღანეთის მხარდაჭერას", - განაცხადა იაპონიის პრემიერ-მინისტრმა იოსიხიკო ნოდამ ტოკიოში კვირას გამართულ კონფერენციაზე. განცხადება ასევე გააკეთა აშშ-ს წარმომადგენელმა, რომლის თქმითაც, 2017 წლამდე ავღანეთს შეუძლია, დახმარების იმედი ჰქონდეს. კონფერენციის ფარგლებში ხელი მოეწერა შეთანხმებას, რომლის მიხედვითაც, ავღანეთი 2015 წლამდე მიიღებს ფინანსურ დახმარებას 16 მილიარდი დოლარის ოდენობით.

"ავღანეთს კიდევ ბევრი პრობლემა აქვს, მაგრამ შეგვიძლია, პატიოსნად ვაღიაროთ, რომ ბოლო 10 წლის განმავლობაში ბევრი რამ გააკეთდა ქვეყნის შემდგომი სტაბილურობისთვის. ჩვენ მომავალშიც გავაგრძელებთ ქაბულის მხარდაჭერას," - განაცხადა იაპონიის ლიდერმა.

ტოკიოს საერთაშორისო კონფერენციას ესწრებოდნენ 80-ზე მეტი ქვეყნის და ორგანიზაციის წარმომადგენლები, მათ შორის ავღანეთის პრეზიდენტი ჰამიდ ყარზაი, აშშ-ს სახელმწიფო მდივანი ჰილარი კლინტონი და გაერო-ს გენერალური მდივანი ბან კი მუნგი.

იაპონიის საგარეო საქმეთა მინისტრი კოიტრო გემბა (ის თავის ავღანელ კოლეგასთან ზალმაი რასულთან და ავღანეთის ფინანსთა მინისტრ ომარ ზაჰიდვალთან ერთად თავმჯდომარეობდა კონფერენციას) "დარწმუნებულია", რომ "ქაბული მომავალშიც გააგრძელებს მრავალმხრივ თანამშრომლობას თავის პარტნიორებთან და გააკეთებს ყველაფერს, რათა კიდევ უფრო განვითარდეს".



მოსალოდნელია, რომ ფინანსური დახმარების საერთო მოცულობა, რომელსაც ფენ ავღანეთს 2015 წლისთვის გამოუყო, 16 მილიარდ დოლარს გადააჭარბებს. საერთაშორისო თანამეგობრობის განცხადებით, თანხის ზუსტად ასეთი მოცულობაა საჭირო ქვეყნის აღდგენისა და განვითარებისთვის. ქაბული, თავის მხრივ, პირობას დებს, რომ დაინყებს ბრძოლას კორუფციის წინააღმდეგ, ხელს შეუწყობს დემოკრატიული ფასეულობების განვითარებას, დაიცავს თავისი ხალხის უფლებებს და თავისუფლებებს.

იაპონია 2016 წლისთვის ეკონომიკის და ინფრასტრუქტურის განსავითარებლად დამატებით კიდევ 3 მილიარდ დოლარს გამოუყოფს ქა-

ბულს. ამის შესახებ დეკლარაციას გუშინ დღოს ბოლოს მოეწერა ხელი. ტოკიოს კონფერენციის ძირითადი მიზანი იყო, შეემუშავებინა ავღანეთის სტაბილური განვითარებისთვის საჭირო დახმარების სტრატეგია ქვეყნიდან ნატო-ს ჯარების გაყვანის შემდგომ. უსაფრთხოებაზე პასუხისმგებლობის ადგილობრივი ძალებისთვის გადაცემა 2014 წლისთვის იგეგმება. კონფერენციამდე ბევრი დონორი სახელმწიფო უარს ამბობდა ავღანეთის ფინანსურ დახმარებაზე, სანამ მისგან არ მიიღებდა სრულ გარანტიას ამ თანხების გამჭვირვალედ ხარჯვაზე.

კონფერენციამდე ერთი დღით ადრე ვაშინგტონმა ნატო-ს არანევრ

სახელმწიფოს - ავღანეთს მთავარი მოკავშირის სტატუსი მიანიჭა. ამის შესახებ შაბათს ქაბულში აშშ-ს სახელმწიფო მდივანმა ჰილარი კლინტონმა განაცხადა. მან ავღანეთის პრეზიდენტ ჰამიდ ყარზაისთან მოლაპარაკებების დასრულების შემდეგ აღნიშნა, რომ ამერიკა არ დატოვებს ავღანეთს დახმარების გარეშე. "ჩვენ ვერც კი წარმოგვიდგენია, რომ ჯარების გაყვანის შემდეგ შესაძლოა, მოგვიწიოს ავღანეთის მიტოვება ბედის ამარა," - განაცხადა კლინტონმა პრესკონფერენციაზე და დასძინა, რომ ავღანეთის ახალი სტატუსი წარმოადგენს "იმ ვალდებულებების ნათელ სიმბოლოს, რომლებიც ვაშინგტონმა ავღანეთის მიმართ იკისრა."

მსგავსი სტატუსი მინიჭებული აქვს ავტრალიას, ეგვიპტეს, ისრაელს და კიდევ რამდენიმე სხვა სახელმწიფოს. ეს სტატუსი ავღანეთს საშუალებას მისცემს, უფრო მჭიდრო თანამშრომლობა ჰქონდეს აშშ-სთან სამხედრო სფეროში და მასთან ერთად მონაწილეობა მიიღოს სამეცნიერო-კვლევით პროექტებში. ახალმა სტატუსმა, რომელიც ძალაში შევიდა გამოცხადებისთანავე, მათ შორის ხელი უნდა შეუწყოს სამხედრო ტექნიკითა და იარაღით ვაჭრობას ორ ქვეყანას შორის, თუმცა ავღანეთი ამერიკისგან ახალი იარაღის შესყიდვას კიდევ რამდენიმე წელი ვერ შეძლებს.

დავით მარსაგიშვილი თავისუფალი ჭიდაობა



BP - საქართველოს მხარდასაჭერად

ჩვენ გვვამაყება, რომ ხელს ვუწყობთ საქართველოს სპორტსმენების წარმატებას 2012 წლის ლონდონის ოლიმპიურ თამაშებში. BP. ჩვენი წვლილი ქვეყნის წარმატებაში



| 0% - ღან

შეიძინეთ
ახალი ან მეორადი
ავტომობილი



 ბანკი რესპუბლიკა
BANK REPUBLIC

ჯგუფი სოსოტა ქანაჩანი

290 90 90
* 90 90
BR. GE

დღეს საოპერო ფესტივალი იწყება

9-25 ივლისს კონსერვატორიის დიდ დარბაზში პირველად გაიმართება საერთაშორისო ფონდის "თბილისის ოპერისა და ბალეტის თეატრის" მიერ დაფუძნებული "თბილისის საოპერო ფესტივალი". ფესტივალი დღეს საღამოს იწყება.

"თბილისის საოპერო ფესტივალი" ოთხ ღონისძიებას მოიცავს. დღეს საღამოს გაიმართება კონცერტი, რომლის პროგრამაშია პეტრე ჩაიკოვსკის "სერენადა" სიმებიანი ორკესტრისთვის და კონცერტი ვიოლინოსა და სიმფონიური ორკესტრისთვის. შემდგომი სამი საღამო დაეთმობა ჯუზეპე ვერდის ოპერებს - 15 ივლისს შესრულდება "ნაბუკო", 20 ივლისს "ატილა", 25 ივლისს "ტროვადური" (წარმოდგენილი იქნება ოპერების საკონცერტო ვერსიები).

"თბილისის საოპერო ფესტივალის" საბაზო კოლექტივია ზაქარია ფალიაშვილის სახელობის ოპერისა და ბალეტის სახელმწიფო თეატრი, მისი სოლისტები, გუნდი (მთავარი ქორმაისტერი - ავთანდილ ჩხენკელი, ქორმაისტერი - შალვა შაორაძე), სიმფონიური ორკესტრი (კონცერტმაისტერი - ლელა მჭედლიძე). ფესტივალის სპეციალური სტუმრები არიან - სახელგანთქმული ახალგაზრდა მევიოლინე ვალერი სოკოლოვი, ანტონინის უნივერსიტეტის გუნდი (ბეირუთი, ლიბანი), საზღვარგარეთ წარმატებით მოღვაწე ახალგაზრდა ქართველი მომღერალი რამაზ ჩიკვილაძე, რომელიც ატილას პარტიას შეასრულებს ვერდის

თბილისის საოპერო ფესტივალი

THE FESTIVAL WILL TAKE PLACE IN THE GRAND HALL AT TBILISI STATE CONSERVATOIRE, G. GIBLADZE ST.

<p>09 JULY</p> <p>პეტრე ჩაიკოვსკი</p> <p>სერენადა</p> <p>სამიოლინო კონცერტო</p> <p>Pyotr Tchaikovsky</p> <p>SERENADE</p> <p>VIOLIN CONCERTO</p>	<p>15 JULY</p> <p>ჯუზეპე ვერდი</p> <p>ნაბუკო</p> <p>ოპერა 2 მოქმედება</p> <p>საკონცერტო ვერსია</p> <p>Giuseppe Verdi</p> <p>NABUCCO</p> <p>Opera in 2 acts</p> <p>Concert version</p>	<p>20 JULY</p> <p>ჯუზეპე ვერდი</p> <p>ატილა</p> <p>ოპერა 2 მოქმედება</p> <p>საკონცერტო ვერსია</p> <p>Giuseppe Verdi</p> <p>ATTILA</p> <p>Opera in 2 acts</p> <p>Concert version</p>	<p>25 JULY</p> <p>ჯუზეპე ვერდი</p> <p>ირუვატორი</p> <p>ოპერა 2 მოქმედება</p> <p>საკონცერტო ვერსია</p> <p>Giuseppe Verdi</p> <p>IL TROVATORE</p> <p>Opera in 2 acts</p> <p>Concert version</p>
---	---	---	---

"ატილაში", სადაც თბილისის ოპერის თეატრის გუნდთან ერთად იმღერებს ანტონინის უნივერსიტეტის გუნდიც. "თბილისის საოპერო ფესტივალის" აუდიტორია შეხვდება ოპერის თეატრის სოლისტებს: გია ასათიანს, მაყვალა ასპანიძეს, სულხან გველესიანს, გოჩა დათუსანი-ჯილაურს, არმაზ დარაშვილს, თეა დემურიშვილს, ლევი იმედაშვილს, მანანა იორდანიშვილს, ნიკოლოზ ლავგილაშვილს, გიორგი მახარაძეს, ირაკლი მურჯიანელს, ელენა პუტილოვას, ირინე რატიანს, თამაზ საგინაძეს, მიშელინა ქობალიანს, ტარიელ ჭიჭინაძეს, ზაალ ხელაიას, ანზორ ხიდაშელს. საფესტივალო საღამოებს წარუძღვება იტალიელი დირიჟორი, თბილისის ოპერისა და ბალეტის სახელმწიფო თეატრის მუსიკალური ხელმძღვანელი ჯანლუკა მარჩანო.

- "საუკუნეების მანძილზე თბილისის საოპერო ხელოვნების ჭეშმარიტ კერად მიიჩნევენ. ქართული ვოკალური სკოლის წარმომადგენლები დღესაც ბრწყინავენ მსოფლიო საოპერო სცენებზე და აღაფრთოვანებენ ოპერის მოყვარულებს.

საოცარია "ოპერის სამყარო" ათასგვარი ამბებით - კომპოზიტორთა, დირიჟორთა, მომღერალთა "თავგადასავლებით" აღსავსე... ამ ხელოვნების მიმართ უზომო სიყვარულმა მაფიქრებინა საოპერო ფესტივალის შექმნა. თუმცა, ეს ჩემი ან ჩვენი თეატრის პირდაპირი მოვალეობა არ გახლავთ.

ვოცნებობდით გამოჩენილიყო ვინმე, ვინც დააფუძნებდა ფესტივალს, სადაც სხვებთან ერთად, ჩვენ ერთ-ერთ მონაწილედ მოგვინვევდა ყოფნა. მოგესვენებოთ, მაღალი რანგის ფესტივალის ჩატარებას ძალიან დიდი შრომა, ბევრი ადამიანი და თავდადება სჭირდება. ამ საქმის ხორცშესხმას ახალი ორგანიზაცია და სტრუქტურა სჭირდება. დიდხანს ველოდეთ იმ ადამიანს, რომელიც შექმნიდა საქართველოში, - სადაც სამი საოპერო თეატრია, - საერთაშორისო ფესტივალი, მაგრამ მიუხედავად ბევრი ლაპარაკისა, ასეთი მაინც არავინ გამოჩნდა...

და აი, მე და ჩემმა მეგობრებმა: ჩვენი ოპერის სოლისტებმა, ორკესტრის მუსიკოსებმა, ადმინისტრაციის წევრებმა, გადავწყვიტეთ დამოუკიდებლად დაგვეარსებინა "თბილისის საოპერო ფესტივალი", - ჯერჯერობით მოკრძალებული მასშტაბით, მაგრამ ჩვენი თეატრისთვის ისტორიულად უმნიშვნელოვანეს პერიოდში! ვიმედოვნებ, რომ ამ ფესტივალს საუკუნეების მანძილზე ეყოლება ერთგული მაყურებელი.

თქვენ კი, ძვირფასო სტუმრებო, გისურვებთ, რომ არსად წასვლა და ხეტიალი არ მოგიწიოთ ნამდვილი, ჭეშმარიტი საოპერო თავგადასავლების საძიებლად და ეს ყველაფერი ჩვენს "თბილისის საოპერო ფესტივალზე" გეპოვოთ!", - ამბობს ფესტივალის დამფუძნებელი დავით საყვარელიძე.

24 საათი

266 დღე შაირში

პიტერ ჯეკსონმა "ჰობიტის" გადაღება დაასრულა და მონტაჟს იწყებს

ნა შაკვა

"ჩვენ ეს გავაკეთეთ! "ჰობიტის" 266-დღიანი გადაღებები დასრულდა. ფილმში მონაწილე ყველა მსახიობს და გადაღებები ჯგუფის წევრებს მადლობას ვუხდით მხარდაჭერისთვის. ახლა კი სამონტაჟო ოთახი გველის და, რა თქმა უნდა "კომიკ კონიცი!" - წერს საკუთარ "ფეისბუქის" გვერდზე რეჟისორი პიტერ ჯეკსონი, რომელმაც ფილმ "ჰობიტის" ბედით დაინტერესებულ მილიონობით ადამიანს ამგვარად ახარა გადაღებების დასრულების შესახებ და ისიც შეახსენა, რომ პრემიერამდე სულ უფრო ცოტა დრო რჩება. ეს მიმდინარე წლის 14 დეკემბერს მოხდება და მოდით, აქედანვე ვიცნობთ, რომ ახალი წლის დადგომამდე ეს ფილმი ჩვენც გვეჩვენება დიდ ეკრანზე ნანახი.

2012 წელი ბლოკბასტერების მხრივ მეტ-ნაკლებად საინტერესო იყო, მაგრამ აქამდე გამოსული ყველა ფილმი არაფერია იმ მოლოდინთან შედარებით როგორცაც მგზნებარე ტოლკინისტები ჯეკსონის "ჰობიტს" ელიან - სხვაგვარად არც შეიძლება ყოფილიყო, რადგან იმავე ჯეკსონის მიერ 2001-2003 წლებში გადაღებულმა "ბექდების მბრძანებლის" ტრილოგიამ ისეთივე მრავალრიცხოვანი ფანკლუბები შექმნა, როგორც "ვარსკვლავური ომებს" ან ახლა უკვე "სამეფო კარის თამაშებს" აქვს.

ინტერნეტში დიდი ხანია "ჰობიტის" (ფილმის სრული სახელწოდებაა The Hobbit: An Unexpected Journey) ტრაილერი დევს, ორიოდე დღის წინ კი სპეციალურად გამოედგინა "კომიკ კონისთვის" შექმნილი პოსტერიც გამოჩნდა, რომელზეც მწვანე მდელოს გაყოლებათ ბილიკზე მომავალი გენდალფია გამო-



სახული. პირველები სწორედ ივლისში დაგეგმილ სან დიეგოს "კომიკ კონის" სტუმრები ნახავენ იმ სცენებსა და კადრებს, რომლებიც ტრაილერში არ შესულა - ცხადია, მხოლოდ მათ, რომლებსაც ჯეკსონი გამოიმეტებს და პროექტის რეკლამისთვისაც მომგებიანი იქნება. ამ გამოფენას ჯეკსონი ხშირად იყენებს ტრიბუნად: სწორედ 2009 წლის "კომიკ კონზე" განაცხადა პირველად, რომ "ჰობიტს" ორ ფილმად გადაიღებდნენ, ხოლო რეჟისორი გილერმო დელ ტორო იქნებოდა. იქ-

ვე გახდა ცნობილი, რომ პიტერ ჯეკსონი მხოლოდ პროდიუსერის ამპლუას მორგებდა და სცენარის ხარისხზეც გაინანილებდა პასუხისმგებლობას, მაგრამ გადაღებების დაწყება იმდენად გაჭიანურდა, რომ დელ ტორომ ლოდინს ვერ გაუძლო, სხვა პროექტებზე გადაერთო, რეჟისორის სკამი კი ჯეკსონს დაუთმო.

"ჰობიტმა" დღემდე ბევრი ბარიერი გადალახა. 2008 წლამდე ფილმის მწარმოებელ კომპანია "ნიუ ლაინსა" და ჯეკსონს შორის საავტორო

უფლებებთან დაკავშირებული დავა მიმდინარეობდა, რამაც ამ უკანასკნელის პროდიუსერის პოზიციაზე გადაბარება გამოიწვია, ხოლო რეჟისორად დელ ტორო დანიშნეს (რაც, საბოლოოდ ისევ შეიცვალა). გავიდა დრო და ფილმის მეორე მწარმოებელი კომპანია MGM-ი ბანკროტობის პირას აღმოჩნდა, რაც ნიშნავდა, რომ მსხვილბიუჯეტიანი პროექტს ხელს ვერ მოჰკიდებდა. გადაღებები კიდევ ერთხელ გადადეს და დელ ტოროც წავიდა. სიტუაცია მხოლოდ 2010 წლის ოქ-

ტომბერში გამოსწორდა და გადაღებების დაწყების თარიღიც დაასახელეს, თუმცა ამჯერად ახალი ზეღანდის მსახიობთა გილდიამ წამოიწყო პროტესტის ტალღა, რომლის წარმომადგენლებიც აცხადებდნენ, რომ ახალზეღანდიელ მსახიობებს ძალიან ცოტას უხდიდნენ, რის გამოც ისინი მასობრივ სცენებში მონაწილეობაზე უარს ამბობდნენ. თითქოს გადაწყდა კიდევ, რომ "ჰობიტი" სხვა ქვეყანაში გადაეღო, მაგრამ სადავეები ხელში ახალი ზეღანდის პრემიერ-მინისტრმა აიღო და მსახიობებსაც ანაზღაურება გაუზარდეს. ერთი სიტყვით, ფილმმა დღემდე დაახლოებით ის გზა გამოიარა, რაც მორდორისკენ მიმავალმა ფროდომ და სემმა და მათ კვალში ჩამდგარმა გოლუმმა.

ახალი ფილმის სამსახიობო შემადგენლობა ნაწილობრივ განახლებულია, თუმცა "ბექდების მბრძანებლის" პერსონაჟებს იგივე მსახიობები თამაშობენ. მაგალითად, კეი ბლანშეტი კვლავ გალადრიელია, იან მაკელენი - გენდალფი, ორლანდო ბლუმში ისევ ლეგოლასის ისრით დარბის, კრისტოფერ ლი კი სარუმანის მრისხანებას შეგვახსენებს. ცხადია, აქვეა ენდი სარკისი - გოლუმის როლის ბრწყინვალედ შემსრულებელი, იან ჰოლმი - მოხუცი ბილბო ბეგინსი და ყველაზე საინტერესო პერსონაჟი - ახალგაზრდა ბილბო, რომლის როლსაც ბრიტანელი მარტინ ფრიმენი ასრულებს.

"ჰობიტი" მომავალ წელსაც გაგრძელდება. დილოგიის მეორე ფილმი - "ჰობიტი: იქით და უკან" მსოფლიო ეკრანებზე 2013 წელს გამოვა, ამის შემდეგ კი პიტერ ჯეკსონი მორიგ პროექტს, "ტენტენის თავგადასავალი: მზის ტყვეებს" მოჰკიდებს ხელს.

წვია იყო, გადაიღო

დიდი ბრიტანეთის დიდი პრიზი | ავსტრალიელს დარჩა

გიგა გურასაძე

ფორმულა 1-ის მეცხრე ეტაპი - დიდი ბრიტანეთის დიდი პრიზი სანახაობის მხრივ არაფრით ნაკლები არ უნდა ყოფილიყო ადრეულ ეტაპებთან შედარებით, რაც ჯერ კიდევ სიურპრიზებით გაფრთხილებულ შაბათის კვალიფიკაციაზე გამართლდა.

კვალიფიკაციის უმთავრეს მოვლენა ამინდი გამოდგა, რომელმაც არაა როგორც მრბოლელები, ისე მათი გულშემატკივრები. შაბათის საკვალიფიკაციო რბოლებიდან სილვერსტონის ავტოდრომზე ცა ჩამოიქცა. ტრასა იმდენად დაიბორა, რომ ბოლიდების ნაცვლად წყლის სკუტერებით რომ ეასპარეზოთ ამის წინააღმდეგი არავინ იქნებოდა. ამავე მიზეზებით "კეტერპეის" მრბოლელებმა და მაკლარენელმა ჯენსონ ბატონმა კვალიფიკაციის დასრულება ვერ შეძლეს.

მსგავს პირობებს ყველაზე უკეთ აულო ალლო "ფერარის" ესპანელმა მრბოელმა ფერნანდო ალონსომ, რომელმაც მოიგო კვალიფიკაცია. ძირითადი რბოლისთვის ესპანელთან ერთად ნიშნავდნენ დგომას გამოკრა ხელ რედბულელმა მარკ უებერმა. ესპანელსა და ავსტრალიელს შესაბამისი განლაგებით უკან ამოუდგნენ მიხაელ შუმახერი ("მერსედესი") და უებერის თანაგუნდელი სებასტიან ფეტელი.

შაბათისგან განსხვავებით კვირას ძირითადმა რბოლამ გართულებების გარეშე ჩაიარა - გამოიდარა. მშრალ ტრასაზე მიცემული სტარტის შემდეგ მოწინავეთა რიგებში მდგომმა მრბოლელებმა საკუთარი ადგილები შეინარჩუნეს. მერე და მერე კი წყალიც აიძვრა.

პიტ-სტოპების პირველმა ტაღამ ერთი კანონზომიერება გვიჩვენა - მრბოელთა დიდმა ნაწილმა რბილი საბურავები ხისტი საბურავებით შეცვალეს, რაც ბუნებრივად იყო. საქმე ისაა, რომ თითქმის ყველა საჯინბომ საკუთარი ბოლიდები კვალიფიკაციაზე მიღებული მწარე გამოცდილების გათვალისწინებით, წვიმაზე აკეთებდნენ აქცენტს. ამინდი კი შზიანი გამოდგა, ტრასა მშრალი. ასე რომ, რბილი საბურავების საჭიროება აღარ იყო.

20 წრის შემდეგ სილვერსტონის ტრასაზე მოწინავე საფეხურს ინარჩუნებდა ალონსო.

ერთგვარი გარდამტეხი გამოდგა შემდეგი 15 წრე და მეორე პიტ-სტოპების ტაღამ. ჯერ ის, რომ მაკლარენელმა ლუის ჰამილტონმა შეიძინა საფეხური და კარგა და მეცხრეზე ჩამოქვეითდა. მეორეზე დაწინაურდა ფეტელი, ხოლო მესამეზე გადაინაცვლა ფენანდო ალონსოს ბრახილიელმა თანაგუნდელმა ფელიპე მასამ.

დრო და დრო კიდევ რაღაცეები შეიცვალა. გამარჯვებულის ბედი კი ბოლო წრეებზე გაიკვია. რბოლის დასრულებამდე ხუთი წრით ადრე ჯერაც პელოტონის თავში მოკალათებულ ალონსოს "ფერარის" მოსახვევში გვერდი აუქცია მარკ უებერის "რედ ბულმა". საქმე იქამდეც კი მივიდა, რომ ესპანელს მეორე საფეხურის შესანარჩუნებლად მთელი თავისი ოსტატობის გამოყენება დასჭირდა. დაწინაურებაზე მეტად მეორე საფეხურის შენარჩუნებით იყო დაკავებული. ყველაფერი კი იმით დასრულდა, რომ დიდი ბრიტანეთის დიდი პრიზი მარკ უებერის გამარჯვებით დასრულდა და იქვე ალონსოს გაუთანაბრდა მიმდინარე სეზონში მოგებული რბოლების რაოდენობით. ავსტრალიელი და ესპანელი ერთადერთნი არიან, რომლებსაც მიმდინარე ჩემპიონატში ორ-ორი გამარჯვება უმაგრებთ ზურგს.

მესამე ადგილი დაიკავა მსოფლიოს მოქმედმა ჩემპიონმა სებასტიან ფეტელმა.

დიდი ბრიტანეთის დიდი პრიზი

- სილვერსტონის წრიული, 52 წრე**
საერთო მანძილი: 306.198 კმ. ტრასის სიგრძე: 5.891 კმ.
1. მარკ უებერი (ავსტრალია, რედ ბული) 1:25:11.288
 2. ფერნანდო ალონსო (ესპანეთი, ფერარი) +3.0
 3. სებასტიან ფეტელი (გერმანია, რედ ბული) +4.8
 4. ფელიპე მასა (ბრაზილია, ფერარი) +9.5
 5. კიმი რაიკონენი (ფინეთი, ლოტუსი) +10.3
 6. რომენ გროჟანი (საფრანგეთი, ლოტუსი) +17.1
 7. მიხაელ შუმახერი (გერმანია, მერსედესი) +29.1
 8. ლუის ჰამილტონი (ბრიტანეთი, მაკლარენი) +36.4
 9. ბრუნო სენა (ბრაზილია, უილიამსი) +43.3
 10. ჯენსონ ბატონი (ბრიტანეთი, მაკლარენი) +44.4
 11. კამუი კობაიამი (იაპონია, ზაუბერი) +45.3
 12. ნიკო ჰულენბერგი (გერმანია, ფორს ინდია) ++47.8
 13. დანიელ რიკიარდო (ავსტრალია, ტორო როსო) +51.2
 14. ჟან-ერიკ ვერნი (საფრანგეთი, ტორო როსო) +53.3
 15. ნიკო როსბერგი (გერმანია, მერსედესი) +57.3
 16. პასტორ მალდონადო (ვენესუელა, უილიამსი) +1 წრე
 17. ჰეიკი კოვალაინენი (ფინეთი, კატერპეი) +1 წრე
 18. ტიმო გლოკი (გერმანია, მარუსია) +1 წრე
 19. შარლ პიცი (საფრანგეთი, მარუსია) +1 წრე
 20. პედრო დე ლა როსა (ესპანეთი, ისპანია) +2 წრე
 21. ნარაინ კარტიკეიანი (ინდოეთი, ისპანია) +2 წრე
 22. სერხიო პერესი (მექსიკა, ზაუბერი) +41 წრე
 23. პოლ დი რესტა (ბრიტანეთი, ფორს ინდია) +50 წრე
 24. ვიტალი პეტროვი (რუსეთი, კატერპეი) გამოეთიშა

როჭარ I



ჩოგბურთო ვუდსტოკი წავიდა და როჯმა ჯო კოკერივით დაგლიჯა. მარი დადლილი ჯენის ჯოპლინი იყო. როჯერი მერვედ გადის უიმბლდონის ფინალში და მემ-

ჯურაბ თალაქვაძე

როჯერ ფედერერის ბოლო აკორდი კიტ რიჩარდსის რიფინგზე, ნიქ ქეივის ლექსებზე, ჯონ ლენონის ლირიკაზე, რობერტ პლანტის სექსუალურ ქეითინგზე, მარკ ნოზფელერის სოლოზე მსუყე იყო. ფედერერმა უიმბლდონი მეშვიდედ მოიგო. როჯერმა ბოლო გარჩევამი ენდი მარის ჯერ თითი დაუქნია, ცოტა მერე ყური აუნია და ბოლო სეტის ბოლო ქულის დროს ოცნება წაართვა. ფედერერმა ფინალი 4:6, 6:4, 7:5, 6:3 აიღო.

ფედერერი მეშვიდედ იგებს უიმბლდონს. პიტ სამპრასის ტერიტორია. ამერიკელი ჯექ-პოტებს ბეკერების, შტიხების, კრაიჩეკების და რაფტერების დროს ხსნიდა. როჯერი ესპანელი პიტბულის, სერბი კრიმინალის, არგენტინელი კარგი ბიჭის და ენდი მარის უხერხემლო თამაშის დროს აგვარებს საქმეებს. ფედერერმა ბოლო პეიზაჟი დატოვა და მეჩვიდმეტედ მოიგო ერთეულებში დიდი სლეიმის ტურნირი.

ფინალამდე მარი როჯს პირადულში 8:7 უგებს. მარი კარგი ბიჭია, რაღაცას მოიგებს, რაღაცას ვერ გაშიფრავს და ენდომ ფედერერის მეშვიდე სიმფონიის მოსმენა, გაგება, დამახსოვრება უნდა დაამუღამოს. მარი ნინა თაობის ბრიტზე, ტიმ ჰენმანზე ცოტა მოქნილად აზროვნებს და გრეგ რუხეცკიზე ბევრჯერადია. ის ბიჭები სამპრასთან, რაღაც მომენტში ივანიშვიჩთან და რაფტერთან აჭრეს.

როჯის და მარის ნინა გარჩევები, თხუთმეტივე VS ჰარდზე იყო. ბალახზე პირველი სა-

კლიჩკოსთან ტომპსონმა მატჩამდე წააბო

გიგა გურასაძე

ყველაფერი წინასწარ იყო გათვლილი და განსაზღვრული. ბუკემკერებმა ვლადიმერ კლიჩკოს ტონი ტომპსონზე გამარჯვებისთვის სიმბოლური ფსონი - 1.06 გაიღეს, ტიტულის მოცილე ამერიკელის შესაძლო წარმატებისთვის კი - 8.5. ფაქტობრივად იმთავითვე დასამარცხებლად განწირულმა ტონიმ საბუკემკერო კანტორები არ დააღალატა - კრივის მსოფლიო ორგანიზაციის (WBO), ასოციაციის (WBA), საერთაშორისო ფედერაციისა (IBF) და საერთაშორისო ორგანიზაციის (IBO) უკრაინელ ჩემპიონს ბერნის Stade de Suisse არენაზე ექვს რაუნდში დანებდა.

ორთაბრძოლისთვის მზადება ბევრად უფრო სანახაობრივი გამოდგა, ვიდრე თავად მატჩი.

ვლადიმერ კლიჩკომ ტრადიციულად აღნიშნა მეტოქის ძალა და იქვე იწინასწარმეტყველა, ადვილი ბრძოლა არ იქნებაო. ვლადიმირის მამა, კრივის მსოფლიო საბჭოს ჩემპიონმა ვიტალიმ კი "ფეისბუქზე" დაწერა, დიდი ბრძოლა იქნებაო. მძევი კლიჩკოების ვარაუდი არ გამართლდა. პირველი რაუნდში გამოიკვეთა ვლადიმირის უდავო უპირატესობა. მან ამერიკელს არავითარი შანსი არ მისცა. მხოლოდ ის იყო



კლიჩკოს მუშტებთან უძლური ტომპსონი მეექვსე რაუნდში ტექნიკური ნოკაუტით დამარცხდა

გასარკვევი, რომელ რაუნდში გაუსწორდებოდა 36 წლის უკრაინელი 40 წლის ამერიკელს. პირველი ოთხი რაუნდი დასამახსოვრებელი ეპიზოდებით არ გამოირჩეოდა. სიტუაცია მეხუთე რაუნდის დასრულებამდე წუთ-ნახევრით ადრე დაიძაბა, როდესაც უკრაინელმა ჩემპიონმა ტიტულის მოცილე ამერიკელი ბაგირებთან მიამწყვდია და მარჯვენა ძლიერი

დარტყმით მძიმე ნოკდაუნში ჩააგდო. მართალია, ტომპსონი წამოდგა და რაუნდი დაასრულა, მაგრამ იგივე მდგომარეობაში აღმოჩნდა მეექვსე რაუნდის მიწურულსაც - უკრაინელის მუშტებთან უძლური ტონი ტომპსონი რინგზე დაეცა. ახლაც, ისევე როგორც პირველ შემთხვევაში, წამოდგომა შეძლო, მაგრამ რეფერიმ ბრძოლის შეწყვეტა ითხოვა. ვლადიმერ

ვიდეო იღებს ოსკარს. ფედერერი წითელ ხალიჩაზე გავიდა და ხალიჩას არ ეხებოდა. როჯმა ოსკარს ოსკარი წაართვა და სპორტის ელჩმა კიდევ ერთი ლამაზი მისია დაასრულა. ყველაფერი მშვენივრად მორჩა.

ახალ რეიტინგში როჯერი უკვე პირველია. ნოვაკ ჯოკოვიჩი მეორეზე ზის და ის არანორმალური ესპანელი მესამედ ჩააჩოჩეს. ნადალმა ჰარდის გარჩევებში უნდა აკრიფოს და ჯოკოვიჩიც აზრზე მოვა.

ფედერერი ბოლო ორ სეზონში ნოჭებში იჯდა და ფედერერმა ჩოგბურთის ჯორდანობა იკისრა. უეინ გრეცკი, მუჰამედ ალი, ფედერერი, ჰერ შუმახერი, ოლე ეინარ ბიორნდალენი. პანთეონში დიდი ხალხი ისვენებს და ფედერერი ჩოგბურთის ჯაზია. ცოტა მშვიდი.

პიტი პირველ ადგილზე 286 კვირით იჯდა. ფედერერიც კიდევ ერთი რეკორდი მოიხსნება. ფედერერი სტატისტიკაზე მთქმელი და სრულყოფილია. უნაკლო პერსონა და სიტბოში დასვენებული სპორტის ანგელოზი.

მარმ უნდა ისწავლოს. და ისწავლის. ან ვერ ისწავლის და წავა.

როჯერ ფედერერის ბოლო აკორდი კიტ რიჩარდსის რიფინგზე, ნიქ ქეივის ლექსებზე, ჯონ ლენონის ლირიკაზე, რობერტ პლანტის სექსუალურ ქეითინგზე, მარკ ნოზფელერის სოლოზე მსუყე იყო. ფედერერმა უიმბლდონი მეშვიდედ მოიგო. როჯერმა ბოლო გარჩევამი ენდი მარის ჯერ თითი დაუქნია, ცოტა მერე ყური აუნია და ბოლო სეტის ბოლო ქულის დროს ოცნება წაართვა.

კლიჩკოსთან ტომპსონმა მატჩამდე წააბო

ყველაფერი წინასწარ იყო გათვლილი და განსაზღვრული. ბუკემკერებმა ვლადიმერ კლიჩკოს ტონი ტომპსონზე გამარჯვებისთვის სიმბოლური ფსონი - 1.06 გაიღეს, ტიტულის მოცილე ამერიკელის შესაძლო წარმატებისთვის კი - 8.5. ფაქტობრივად იმთავითვე დასამარცხებლად განწირულმა ტონიმ საბუკემკერო კანტორები არ დააღალატა - კრივის მსოფლიო ორგანიზაციის (WBO), ასოციაციის (WBA), საერთაშორისო ფედერაციისა (IBF) და საერთაშორისო ორგანიზაციის (IBO) უკრაინელ ჩემპიონს ბერნის Stade de Suisse არენაზე ექვს რაუნდში დანებდა.